



Broj: 11-05-38-sl./18
Sarajevo, 15.01.2018. godine

SKUPŠTINA KANTONA SARAJEVO

PREDMET: Odgovor na zastupničko pitanje, br: 01-05-33924/17 od 21.12.2017. godine, *dostavlja se*

PITANJE: Zastupnik u Skupštini Kantona Sarajevo Selma Filipović, na 36. Radnoj sjednici Skupštine Kantona Sarajevo, održanoj dana 20.12.2017. godine, u okviru tačke Dnevnog reda „Poslanička pitanja, inicijative i odgovori“, postavio je sljedeće zastupničko pitanje:

„Molim Vladu Kantona Sarajevo da mi u pisanoj formi odgovori zašto nije izvršeno utvrđivanje koeficijenta osnovice za isplatu plaća radnicima Univerziteta u Sarajevu za period od 2007. godine do 2017. godine, što za posledicu ima da je preko 2600 radnika organizacionih jedinica Univerziteta u Sarajevu u neravnopravnom položaju u odnosu na druge zaposlene u javnim ustanovama u Kantonu Sarajevu.

Napominjem naslov da se koeficijent za isplatu osnovice za platu za druge javne ustanove u Kantonu Sarajevu izuzev Univerziteta u Sarajevu se usklađuje na godišnjem nivou prije usvajanja narednog budžeta, a u skladu sa zakonom.

Te da li se zbog neprovođenja zakonske obaveze usklađivanja koeficijenta za osnovicu na godišnjem nivou postoji mogućnost podizanja većeg broja tužbenih zahtjeva radnika iz visokog obrazovanja protiv Kantona Sarajevo sa obzirom da Vlada Kantona Sarajevo nije izvršila svoju zakonsku obavezu usklađivanja iznosa koeficijenta osnovice za plaću već 10 godina“.

ODGOVOR: Obaveza utvrđivanja osnovice za obračun plaća prije donošenja budžeta za narednu fiskalnu godinu propisana je članom 5. Zakona o plaćama i naknadama u organima vlasti u Federaciji Bosne i Hercegovine („Službene ovine Federacije BiH“ broj: 45/10), a koji zakon se ne primjenjuje na Univerzitet u Sarajevu.

Nadalje, odredbom člana 155. Zakona o visokom obrazovanju obrazovanju („Službene novine Kantona Sarajevo“ broj: 33/17) propisano je da se rad Univerziteta u Sarajevu i njegovih organizacionih jedinica finansira iz Budžeta Kantona Sarajevo na osnovu odluke o kriterijima za finansiranje Univerziteta/organizacione jedinice koju na prijedlog Ministarstva donosi Vlada. Također, odredbom člana 158. istog Zakona propisano je da se dodjela sredstava za rad Univerziteta u Sarajevu iz Budžeta Kantona vrši na osnovu kriterija koje na prijedlog Ministarstva, a uz prethodno pribavljeni usaglašeni prijedlog Senata i Upravnog odbora Univerzitet u Sarajevu, utvrđuje Vlada. Rektor je obavezan inicijalni prijedlog Senata i Upravnog odbora dostaviti Ministarstvu najkasnije u roku od 90 dana od dana stupanja na snagu ovog zakona.

Na kraju, u vezi sa postaljenim pitanjem važno je istaknuti da je Zakonom o visokom obrazovanju u članu 158. stav (4) propisano: „Isplata plaća akademskom osoblju i drugim zaposlenicima na Univerzitetu se vrši u skladu sa jedinstvenim pravilnikom o plaćama koji uz prethodno pribavljenu saglasnost Vlade usvaja Upravni odbor na prijedlog Senata“.



Shodno naprijed navedenom, očekuje se da u narednom periodu nadležni organi Univerziteta u Sarajevu, putem resornog ministarstva, dostave Vladi Kantona Sarajevo na razmatranje prijedlog kriterija za finansiranje Univerziteta u Sarajevu kao i pravilnik kojim će se sistemski urediti pitanje plata na Univerzitetu u Sarajevu.

S poštovanjem,



MINISTAR

Prof. dr. Elvir Kazazovic

Dostaviti:

1. Naslovu,
2. Stručna služba Vlade Kantona Sarajevo
3. a/a



web: <http://www.mon.ks.gov.ba>
e-mail: mon@mon.ks.gov.ba
Tel: + 387 (0) 33 562-128, Fax: + 387 (0) 33 562-218
Sarajevo, Reisa Džemaludina Čauševića 1

